



Sarajevo, 04.05.2026. godine

Broj: 06-06-2-601/26

## POZIV

### za učešće u fokus grupi poslodavaca u okviru projekta „Osnaživanje stručnog obrazovanja i obuke na nivou 5 na Zapadnom Balkanu (EDU5WB)”

Vanjskotrgovinska komora Bosne i Hercegovine, kao partner na projektu „Osnaživanje stručnog obrazovanja i obuke na nivou 5 na Zapadnom Balkanu (EDU5WB)”, koji se realizira uz podršku Evropske unije kroz Erasmus+ program, ima zadovoljstvo obratiti Vam se s pozivom za učešće u fokus grupi poslodavaca.

Na osnovu Vašeg iskustva, pozicije i uloge koju imate u sektoru turizma, prepoznali smo Vašu kompaniju/organizaciju kao relevantnog partnera čiji su uvidi izuzetno vrijedni za razumijevanje stvarnih potreba tržišta rada. Upravo iz tog razloga, želimo da budete dio ove fokus grupe i svojim iskustvom doprinesete oblikovanju konkretnih budućih rješenja u oblasti stručnog obrazovanja.

Fokus grupa predstavlja strukturisanu diskusiju manjeg broja pažljivo odabranih učesnika, sa ciljem da se kroz razmjenu konkretnih iskustava i stavova identificiraju ključni izazovi i potrebe tržišta rada. U okviru projekta EDU5WB, fokus je na razvoju kvalifikacija na nivou 5 (između srednjeg i visokog obrazovanja), koje imaju potencijal da značajno unaprijede zapošljivost i konkurentnost sektora turizma, posebno u kontekstu digitalne i zelene tranzicije.

Vaše učešće podrazumijeva prisustvo **jednom sastanku fokus grupe poslodavaca (bez dodatnih obaveza nakon toga)**.

U okviru projekta EDU5WB, cilj fokus grupe je da:

- identificira stvarne i buduće potrebe tržišta rada,
- definira ključne kompetencije koje nedostaju na tržištu,
- procijeni relevantnost kvalifikacija na nivou 5 (između srednjeg i visokog obrazovanja),
- pruži smjernice za dizajn obrazovnih programa koji odgovaraju potrebama privrede,
- sagleda mogućnosti i uslove za aktivnije uključivanje poslodavaca u obrazovni proces,
- identificira sistemske prepreke u razvoju kadrova.

Diskusija će biti organizirana kroz tematske cjeline koje obuhvataju: trenutne nedostatke vještina, buduće potrebe sektora (uključujući digitalnu i zelenu tranziciju), ulogu i dodanu vrijednost kvalifikacija nivoa 5, dizajn obrazovnih programa, uslove za uključivanje poslodavaca, te ključne prepreke i rizike u implementaciji.



Zaključci fokus grupe neće ostati samo na nivou diskusije – oni će biti direktno korišteni za izradu analiza po državama, kao i za razvoj Vodiča za nivo 5 (Level 5 Guide), koji će služiti kao osnova za unapređenje obrazovnih programa i politika u ovoj oblasti. Time Vaš doprinos postaje dio šireg, regionalnog procesa unapređenja sistema stručnog obrazovanja.

Za učešće u fokus grupi želimo uključiti predstavnike kompanija i organizacija koji:

- aktivno posluju u sektoru turizma, ugostiteljstva ili povezanim djelatnostima,
- imaju direktno iskustvo u zapošljavanju, razvoju kadrova ili upravljanju poslovnim procesima,
- mogu dati konkretne uvide o nedostajućim vještinama, kompetencijama i izazovima u radu sa zaposlenima.

Učesnici fokus grupe bit će ograničeni na manji broj pažljivo odabranih predstavnika kompanija, kako bi se osigurala kvalitetna i sadržajna diskusija. S tim u vezi, zadovoljstvo nam je pozvati **jednog (1) predstavnika Vaše kompanije/organizacije da učestvuje na sastanku fokus grupe poslodavaca, koji će se održati u četvrtak, 14.05.2026. godine, s početkom u 10.00 sati, u prostorijama Vanjskotrgovinske komore BiH (velika sala u prizemlju), ulica Branislava Đurđeva 10, Sarajevo.**

Poželjno je da predloženi predstavnik Vaše kompanije/organizacije bude:

- direktor, vlasnik ili član uprave,
- menadžer operacija ili razvoja poslovanja,
- HR menadžer ili osoba zadužena za zapošljavanje i razvoj kadrova,
- rukovodilac sektora sa iskustvom u upravljanju timovima i organizaciji rada.

Cijenili bismo fizičko prisustvo predstavnika Vaše kompanije/organizacije. U slučaju nemogućnosti dolaska, omogućeno je i online učešće putem Zoom platforme. Predviđeno trajanje sastanka je oko 2 sata i 30 minuta.

Molimo Vas da učešće potvrdite popunjavanjem **online prijavnog obrasca** najkasnije do utorka, 12.05.2026. godine u 12:00 sati.

Link za online prijavni obrazac: <https://forms.gle/xsEz1YdVU89ZcQ8v6>

Za dodatne informacije stojimo Vam na raspolaganju:

- Telefon: +387 33 566 204, +387 33 566 200
- e-mail: [mirza.konjo@komorabih.ba](mailto:mirza.konjo@komorabih.ba), [edukacija@komorabih.ba](mailto:edukacija@komorabih.ba)

Unaprijed zahvaljujemo na Vašem vremenu i spremnosti da svojim znanjem i iskustvom doprinesete kreiranju kvalitetnijih i relevantnijih rješenja u oblasti stručnog obrazovanja i razvoja kadrova.

**Vanjskotrgovinska komora Bosne i Hercegovine**



# PROGRAM

**fokus grupe poslodavaca u okviru projekta „Osnaživanje stručnog obrazovanja i obuke na nivou 5 na Zapadnom Balkanu (EDU5WB)”**

Sarajevo/Online, 14.05.2026.

Satnica	Sadržaj/Aktivnost
09.30 – 10.00	Registracija učesnika
10.00 – 10.15	<b>UVODNI DIO</b> <ul style="list-style-type: none"><li>• Pozdravna riječ i predstavljanje učesnika.</li><li>• Upoznavanje s ciljevima projekta EDU5WB i svrhom fokus grupe.</li><li>• Kratko pojašnjenje nivoa kvalifikacije EQF 5 kao naprednog, praktično orijentisanog nivoa između srednjeg stručnog obrazovanja (EQF 4) i visokog obrazovanja (EQF 6).</li><li>• Objašnjenje pravila povjerljivosti i načina korištenja prikupljenih informacija.</li></ul>
10.15 – 10.35	<b>BLOK 1: Trenutni nedostaci vještina i strukturni manjak kadrova</b> <p>Identifikacija konkretnih i ponavljajućih nedostataka u znanjima i vještinama koji utiču na poslovanje, uključujući teško popunjiva radna mjesta i razlike između postojećih kvalifikacija i potreba tržišta.</p>
10.35 – 10.55	<b>BLOK 2: Buduće vještine i transformacija sektora</b> <p>Razmatranje očekivanih promjena u sektoru turizma u narednim godinama, s fokusom na digitalizaciju, održivost i nove kompetencije koje će biti potrebne.</p>



<b>10.55 – 11.15</b>	<b>BLOK 3: Pozicioniranje i dodana vrijednost EQF nivoa 5</b>  Diskusija o očekivanoj ulozi stručnjaka sa nivoom 5, njihovim odgovornostima, stepenu samostalnosti i razlikama u odnosu na postojeće nivoe kvalifikacija.
<b>11.15 – 11.35</b>	<b>BLOK 4: Dizajn programa i model učenja</b>  Razmatranje kako bi program nivoa 5 trebao biti strukturiran, uključujući odnos teorije i prakse, trajanje, fleksibilnost i mogućnosti modularnog učenja.
<b>11.35 – 11.55</b>	<b>BLOK 5: Uslovi za uključivanje poslodavaca</b>  Procjena spremnosti poslodavaca da učestvuju u razvoju i implementaciji programa, uključujući uslove i poticaje za saradnju.
<b>11.55 – 12.15</b>	<b>BLOK 6: Sistemske prepreke i rizici implementacije</b>  Identifikacija ključnih prepreka na nivou sistema, uključujući regulatorne, institucionalne i tržišne izazove koji mogu uticati na uvođenje ili razvoj nivoa 5.
<b>12.15 – 12.25</b>	<b>ZAKLJUČCI I ZAVRŠNA RIJEČ</b> Sažimanje ključnih nalaza diskusije i potvrda glavnih zaključaka od strane učesnika.
<b>12.25 –</b>	Zakuska i umrežavanje (networking) između učesnika